



L 18
0

Warhafftige beschrey-
ung/ Der Belegerung vnd Schanz-
 tzens vor dem Haus Wolffenbüttel. Durch die
 Durchleuchten Hochgebornen Fürsten/ Chur-
 fürsten/zu Sachssen. Vnd Landgraff Philipssen
 zu Hessen. Gescheen den 9. Augusti/ des 42. jars.

Der Dichter

DER Beuttel hat der löcher viel/
 Der Wolff mag lauffen wo er wil.
 Der Jeger stet im für dem stal/
 Schaut das er in die Gruben fal/
 Dem wird gebeist dem Wolff die haut/
 Wol gepert vnd auch wol durch Fraut.
 Ob er die Zeen nun blecket fast/
 Vnd bitt den Teuffel auch zugast.
 Vnd den er izund suchen ist/
 Sol in mit helffen falsch noch list.
 Von izund an zu keiner zeit/
 Gott der HERR sey auff vnser seit.



Warhafftige Beschreibung / der Beleg-
gerung vnd Schantzens / für dem Hans Wolffens
büttel. Durch die Durchleuchten Hochgebornen
Fürsten / Churfürsten zu Sachsen. Vnd Landgraff Philipffen
zu Hessen. Geschee den 9. Augusti / des 42. Jars

Globt seist Gott inn der Trinitat /
Wie heimlich fürest deinen Rath.
Langmütig bist DERR in dein gwalt /
Menschliche werck bald hast gefalt
Wy du denn durch dein Maestat /
Beweisest hoch von gnad zu gnad.
Dem Hauffen die sich dir ergeben /
Für die streitsts (vnd wilt das Lebn)
Wie du denn reichlich hast beweist /
Am Narren gros / vnd stoltzen Geist.
Der durch sein scharren vnd sein pochen /
Der durch sein wüten / durch sein fluchn.
Der durch sein Brennen durch sein tobn /
Der durch sein schmehen nicht zu lobn.
Der doch die fromen Fürsten hoch /
Gelestert hat mit schand vnd schmach.
Wider sein gwissen / eid vnd pflicht /
Behandelt hat vnd bösllich dicht.
Derhalben du mein lieber Gott /
Wogst leiden / nicht den hon vnd spott.
Dein Macht die hastu DERR beweist /
Denem der dich ehrt vnd preist.
Derhalben ichs nicht lassen kan /
Dein Göttlich gnad zu zeigen an.

Was

Was nu dein Göttlich gnad vnd Sieg/
Ausgerichtet hat in diesem Krieg.

S Er Fürst von Braunschweig wie man
heist/
Vol Teuffels list ein böser Geist.
Als er die Fürsten hoch geborn/
Geleitet hat zu grossem Zorn.
Mit Ehr abschneidung manigfalt/
Mit bösen listen vbel gestalt/
Also das zu der gegen Wehr/
Ist auff gebracht ein grosses Wehr.
Sind sie angezogen mit gewalt/
So glimpflich vnd in der gestalt.
Das auch den Feinden alzugleich/
Surwar nicht ist ein Dünlein geschengt.

Als sich nun auch die erste Stadt/
Zu Gnaden sich begeben hatt.
So hat der frome Fürst von Sachsen/
Das Göttlich wort auch lassen wachssen.
Das er den ersten tritt in die Stadt/
Zum ersten er besuchet hat.
Den Tempel Gottes vnd sein Haus/
Den Teuffel auch getriben draus.
Darinn er auch Gott vnsem DEXXN/
Singen lies zu Lob vnd Ehn.
ACH DEXX vnd Gott/ich lob vnd preis/
Dein Göttlich gwalt mit allem vleis.

Darnach das Heilig Göttlich Wort/
Behöret ward von manchem dort.

A ij

Darnach

Darnach da ist man gerücket fort/
Beratschlaget wol an manchem ort:
Also das sie all Fleck vnd Stedt/
Mit vnterthenigem Gebet.
An beide Fürsten sich ergeben/
Damit gefristet Leib vnd Lebn.
Daus / vnd Doff / vnd alles gut/
Vnd das noch manchem zorn thut.
Welchs wir doch achten nicht ein meidt/
Gelobt sey Gott in Ewigkeit.
Der die Gottlosen stürzen kan/
Sein bestes Daus das griff wir an.
Vnd das do heisset Wolffenbüttel/
Beim Hund do lag schon der Knüttel.
Der neund Augustus was der tag/
Da man manch Büchssen füren sag.
Ja für das selbig feste Daus/
Gar dapffer sie sich wehrten draus.
Vnd hofften sehr auff irn Dorn/
Der würd sie all entsetzen wern/
Mit Dassen füssen vnd mit Speck/
Das Dassen baner das war weck.

Zu morgen hub wir schantzen an/
Was bey der nacht nicht ward gethan.
Darnach da ward gantz nach der dick/
In die schantz gefürt gar mannich stück.
Der Churfürst hub den Reien an/
Landgraff des gleich solt ir vorstan.
Mit Trumeten vnd der hehr Pancken.
Darnach do lies wir hinein gancken:

Das

Das Geschütz in einem Feuerfort/
Der from Landgraff sehr ward gehört.
Ein Thurm fellt wir beider seit/
Das die im Schlos gantz wenig freud.
Darnach durch das gantze Haus/
Ward geschossen sehr durch aus vnd aus.
Doch hetten die im Schlos zunorn/
Heimlich auffgemacht ir starcke Thor.
Fielen dem Landgraff in die Schantz/
Da hub sich erst ein seltsam Dantz.
Manch erblich Man erstochen ward/
Vnd das verdros die Fürsten hart.
Bleib des halb nicht vngerochen/
Vnd wurden wider nein gestochen.
Auch hat man ir wider nicht gefelt/
Das har zerzaust vnd wol gestrelt.

Al Freitag hub man wider an/
Mit freuden liessen hinein gon.
Mit feuer vnd mit stücken gros/
Ein jeder mercket seinen schos.
Vnd hielten die ins Schlos so lang/
Vnd machten inen also pang.
Nachen die warn erstochen/
In die Keller han sie sich verkrochen.
Denn sie solch gewalt nicht mochten leiden/
Ir hoffnung was in kleinen freuden.
Derhalben auch viel armer Leut/
Die fielen raus vmb Vesper zeit.
Gaben auch viel der Frid zeichn/
Damit sie gar thetten erweichn.

A ij

Den

Den fromen Fürsten jr gemüt/
Das sie zu gnad vnd in der güte.
Zu gnad ich sag/ sint auffgenommen/
Darnach do hört man wider prommen.
Die grossen stück den selben tag/
Im Schlos da hub sich not vnd flag.
Den selben abent in der nacht/
Da haben sie ein Lermen gmacht.
Da meinten wir sie fielen raus/
Vnd wolten theilen Rappen aus.
Do lag in doch ein anders on/
Ein jeder dacht wer ich danon.
Da nun der tag anprechen thet/
Ein jedes stück sein Meister hett.
Die zünten sie mit ernst an/
Vnd liessens wider hinein gon.
Vnd nöten sie den selben tag/
Das sie begerten/ halten sprach.
Das auff jr vielfeltige bitt/
Fürwar auch ist versaget nit.

WAs nu darin gehandelt ist/
Ist mir zuschreiben vnberwust.
Begers auch nicht vnd ob ichs wöst/
Sagt ichs doch nit/ Das Daus was fest.
Das wart den tag gegeben auff/
Ein jeder meint er wolt darauff.
Das manchem hart verpoten war/
Doch welch gelitten hetten fahr.
Den wurde es gantz wol vergunt/
Wolt das ein jeder wol verstund.

Wie

Wie Gott der **HEILIG** so wunderlich
Dat geben vns so bald den Sieg.
Gegen diesen Tyrannen gros/
Der Teuffel ist jr Bund genos.
Der hat in auch gelonet recht/
Gleich wie der Dencker thut sein Knecht.

Der gleichen sol in diesem fall/
Inen gescheen alln zumal.
Vnd die das Heilig Göttlich Wort.
Verachten vns der gnaden Wort.
Derhalben ist mein treulich bitt/
Die straff wöllst verachten nit.
Vnd das zu einer warnung han/
Was Gott gewürckt/vnd hat gethan.

Vnd so du hast den Spruch gelesn/
Wiss gewislich werst dabey gewesen.
Vnd da also die Büchssen kracht/
Wetst wol als weng als ich gelacht.
Die mit geb ich dem Spruch ein endt/
Vnd bitt darneben alle Stendt.
Das sie das heilig Göttlich Wort/
Ehren wollen jmer fort.
Halten das in trewer pflicht/
Brüder lich lieb verachten nicht.
Vnd einer th u was er nur wolt/
Im von dem andern gescheen solt.
So wird vns Gott auff vnserm theil/
Gnad geben/vnd auch glück vnd Heil.
Durch Geistes gab vnd seinen Namen/
Wer das beger sprech mit mir **AMEN**.

[Faint, illegible handwritten text, possibly bleed-through from the reverse side of the page.]




77 L 1059

ULB Halle 3
002 814 129



56.





Warhafftige beschrey-
ung/ Der Belegerung vnd Schanz-
 tzens vor dem Haus Wolffenbüttel. Durch die
 Durchleuchten Hochgebornen Fürsten/ Chur-
 fürsten/zu Sachsen. Vnd Landgraff Philippsen
 zu Hessen. Geschehen den 9. Augusti/ des 42. jars.

Der Dichter

DER Beutzel hat der löcher viel/
 Der Wolff mag lauffen wo er wil.
 Der Jeger stet im für dem stal/
 Schaut das er in die Gruben fal/
 Denn wird gebeißt dem Wolff die haut/
 Wol gepert vnd auch wol durch kraut.
 Ob er die zeen nun bleck et fast/
 Vnd bitt den Teuffel auch zugast.
 Vnd den er izund suchen ist/
 Sol in mit helffen falsch noch list.
 Von izund an zu keiner zeit/
 Gott der HERR sey auff vnser seit.

